

Na osnovu člana 19. stav 2. Zakona o Vladi Federacije BiH ("Službene novine Federacije BiH", br. 1/94, 8/95 i 58/02), i člana 100. Zakona o cestama Federacije BiH ("Službene novine Federacije BiH", broj 12/10 i 16/10), Vlada Federacije Bosne i Hercegovine, na 161. sjednici održanoj 20. januara 2011. godine, donosi

O D L U K U

O SLUŽBI "POMOĆ-INFORMACIJE"

I

Služba "Pomoć-informacije" predstavlja pružanje tehničke pomoći motorizovanim učesnicima u saobraćaju na javnim cestama, uklanjanje s javnih cesta oštećenih vozila i vozila u kvaru, davanje informacija o stanju prohodnosti cesta i pružanje druge pomoći.

II

Služba "Pomoć-informacije" na cestama do donošenja posebnog propisa u nadležnosti je JP Cesta FBiH koje provodi zakonsku proceduru i na osnovu javnog oglašavanja zaključuje ugovore o vršenju službe sa auto-moto klubovima koji su adekvatno organizovani, tehnički, kadrovski i materijalno opremljeni i imaju uvjete za obavljanje ove službe.

III

Naknada za službu SPI koja se naplaćuje prilikom registracije cestovnih, motornih i priključnih vozila, iznosi:

Za motocikle, tricikle i četverocikle u iznosu 3,00 KM Za putničke automobile i autobuse u iznosu 8,00 KM Za teretna motorna vozila i priključna vozila u iznosu 8.00 KM

IV

Do donošenja posebnog propisa, finansijska sredstva iz naknade za, Služba "Pomoć-informacije" pripadaju JP Ceste FBiH i mogu se koristiti samo u obavljanje ove službe i njihovu implementaciju.

V

Federalno ministarstvo prometa i komunikacija i JP Ceste FBiH će osigurati kontrolu poslovanja praćenjem rada auto-moto klubova.

Plan i program rada i izvještaj o realizaciji plana i programa auto-moto klubova JP Ceste FBiH su dužne polugodišnje dostavljati Ministarstvu koje će godišnje iste dostavljati Vladi na saglasnost.

VI

Stupanjem na snagu ove Odluke stavlja se van snage Rješenje o visini posebne naknade za službu "Pomoć-informacije" na cestama ("Službene novine Federacije BiH", br. 59/02).

VII

Ova Odluka stupa na snagu narednog dana od dana objavljivanja u "Službenim novinama Federacije BiH".

V broj 45/11
20. januara 2011. godine
Sarajevo

Premijer
Mustafa Mujezinović, s. r.